

It(em) han ich enphange(n) usser der schuwe(r) | wastu(m) 44 malt(er).

Prüfen, ob da etwas steht oder gestrichen ist.

Soma soma(rum) 428 malt(er) | 7½ fass.

[9^r] Vss <gabe an korn wuchelich gessen an brode >

P(ri)mo off samstag vor dem Pa<lm>tag | biss off samstag nach Ostern, do enbind(en) | sint 14 tag, vnd sust hÿ gewesen 16 | mensche(n) hussgesins vnd 4 zÿmerlude vnd | 2 stei(n)metzen, vnd sint dez apts knecht von | Wadissen hÿ gewesten 4 nath, als sÿ | fyss gein Meysenhey(m) fortan, vnd der meyer | von Erbach 6 tag a<ls er halff> fussen | vnd ey(n) fysserknecht 10 <tag v>nd der | lantschrÿber vnd Johan ...⁵⁹ vnd Woste(n)bar(t) | 2 nacht, vnd 18 ey(n) tag, dÿ do holtz | furten, vnd 12, dÿ do halffent, ey(n) wer | off ey(me) wage machen, ist gessen an brode | 5 malt(er) kornss.

It(em) von dem vorg(e)n(an)t(en) tag an biss off samstag | nach dem Meÿtag, do enbind(en) sint 14 | tag, vnd sint hÿ gewesten 16 menschen | hussgesins vnd 4 zÿmerlude vnd 2 stei(n)metze(n), | dÿ gantz tzit vnd 8, dÿ do myst ussfurten 2 tag, vnd 22, dÿ do latholtz hawen, ey(n) | ymss, vnd 6, dÿ da zu acker farn, ist gessen | an brode 4 malt(er) k(orn)s.

It(em) von dem vorg(e)n(an)t(en) tag an biss off samstag | nach Sant Ganggolffs tag, so enbind(en) sind 14 | tag, vnd sint hÿ gewest(en) 16 menschen | hussgesins vnd 4 zÿmerlude vnd 2 stei(n)metzen | vnd 38 ey(n) ÿmss, dÿ dokalck fortan, | vnd 16 frauwe(n), dÿ ei(n) tag jaden, ist | gessen an brode 4 malt(er) k(orn)s.

It(em) von dem vorg(e)n(an)t(en) tag an biss off den | Phingstabent, do enbind(en) sint 14 tag, | vnd sint hÿ gewesten 16 menschen | hussgesins vnd der kuwehirt 12 tag | vnd 2 stei(n)metze(n) dÿ gantz tzit vnd der | kelner von Zweinbr(ucken) 2 nacht mit 5 | menschen, als sÿ dÿ hote(n) mathen vnd | der amptman mit 5 pherden ey(n) tag | vnd der kelner mit 4 menschen ey(n) nacht, als er wÿden hey(m) fer(t) von der | kirwen, vnd 2 zÿmerman 12 tag vnd | 17 frauen, dÿ ey(n) tag jaden, ist | gessen an brode 4 malt(er) k(orn)s.

S(o)ma 17 malt(er).

[9^v] <It(em) von dem vorg(e)n(an)t(en) tag an biss off samstag | ...>, da enbind(en) sint 14 | <tag, vnd sint> hÿ gewesten 16 menschen | hussgesins vnd 3 zÿmerman vnd da man | daz huss ufslag, do hat ich ein tag | 16 menschen vnd den andern tag 18, | dÿ do halffen offslagen, vnd 6, dÿ do | holtz holt(en) usser dem walde vnd den | amptman vnd den altfaut mit 5 pherd(en) | 2 ÿmss, vnd Wuste(n)bart vnd Ysel Henche(n) | auch <eyn> ÿmss vnd der amptman vnd 2 | stei(n)metze(n) <... tag>, ist gessen | an brode 4 malt(er).

⁵⁹ Nach Johan eine kleines Loch im Papier und vier teils überschriebene Buchstaben; vermutlich stand hier ein weiterer Personennamen.